

荀

子

附校勘補遺

三





荀 子

附校勘補遺

(三)

荀 況 撰
楊 倞 注
盧 文 弨 校
謝 墉 校

荀子卷第十

登仕郎守大理評事楊 倬 注

議兵篇第十五

臨武君與孫卿子議兵於趙孝成王前

臨武君蓋楚將未知姓名

戰國策曰天下合從趙使魏加見楚春申君曰君有將乎春申君曰有矣僕欲將臨武君魏加曰臣少之時好射臣願以射譬可乎春申君曰可魏加曰異日者更羸與魏王處京臺之下更羸曰臣能爲王引弓虛發而下鳥有聞鳴鴈從東方來更羸以虛發而下之王曰射之精乃至於此乎更羸曰此孽也王曰先生何以知之對曰其飛徐者其故創痛也其鳴悲者久失羣也故創未息而驚心未去聞弦音烈而高飛故隕也今臨武君嘗爲秦孽不可以爲距秦之將趙孝成王晉大夫趙夙之後簡子十世孫或曰劉向敘云孫卿至趙與孫臏議兵趙孝成王前臨武君卽孫臏也今案史記年表齊宣王二年孫臏爲軍師則敗

魏於馬陵至趙孝成王元年已七十餘年年代相遠
疑臨武君非此孫臏也○案楊氏改書名作荀卿子
而此篇正文仍作孫卿子依漢以來相傳之舊也本
篇內微子開封於宋注甚明注更羸楚策作更羸又
其故創痛也策無其字此注脫故字今增又王曰請
故創未息作故創痛未息今從策刪痛字
問兵要臨武君對曰上得天時若順太歲及孤虛之類也下得地
利若右背山陵前左水澤之比也觀敵之變動後之發先之至此用
兵之要術也孫卿子曰不然臣所聞古之道凡用兵
攻戰之本在乎壹民弓矢不調則羿不能以中微六
馬不和則造父不能以致遠士民不親附則湯武不
能以必勝也故善附民者是乃善用兵者也故兵要
在乎善附民而已臨武君曰不然兵之所貴者執利

也

乘執爭利

所行者變詐也

奇計○所行新序三作所上

善用兵者感

忽悠闇莫知其所從出

感忽悠闇皆謂倏忽之間也感忽恍忽也悠闇遠視不分

辨之貌莫知所從出謂若九天之上九地之下使敵

人不測魯連子曰弃感忽之恥立累世之功也○案

齊策載魯連與燕將書云除感忿之恥而立累世之功彼上文云去忿恚之心而成終身之名則下句不

當又云感忿此引作感忽是也新序孫吳用之無敵

又作奄忽義亦同注立字舊脫今補孫吳用之無敵

於天下豈必待附民哉

孫謂吳王闔閭將孫武吳謂魏武侯將吳起也孫卿

子曰不然臣之所道仁人之兵王者之志也

帝王之志意如

此君之所貴權謀執利也所行攻奪變詐也諸侯之

事也仁人之兵不可詐也彼可詐者怠慢者也路亶

者也

路暴露也亶讀爲祖露祖謂上下不相覆蓋新序作落單

君臣上下之間滑

然有離德者也

滑亂也音骨言彼可欺詐者皆如此之國

故以桀詐桀猶

巧拙有幸焉以桀詐堯譬之若以卵投石以指撓沸

撓攪也以指撓沸言必若赴水火入焉焦沒耳故仁

人上下

說仁人上下相愛之意

百將一心三軍同力臣之於君

也下之於上也若子之事父弟之事兄若手臂之扞

頭目而覆胷腹也詐而襲之與先驚而後擊之一也

先擊頭目使知之而後擊之豈手臂有不救也

且仁人之用十里之國則將

有百里之聽

聽猶耳目也言遠人自爲其耳目或曰謂間諜者

用百里之國

則將有千里之聽用千里之國則將有四海之聽必

將聰明警戒和傳而一

耳目明而警戒相傳以和無有二心也一云傳或爲博博

眾也而一如一也故仁人之兵聚則成卒散則成列

言和眾如一行也延則若莫邪之長刃嬰之者斲兌則

若莫邪之利鋒當之者潰兌猶聚也與隊同謂聚之

則若莫邪之利鋒也○延新序作鉞韓詩外傳三作

延居又兌作銳居案延讀延衰之延東西曰延嬰今

櫻字謂橫布則其鋒長櫻之者皆斲也兌讀爲銳謂

直擣則其鋒利遇之者潰也外傳兩居字與下文圖

居一例可知圖居而方止則若盤石然觸之者角摧

注未是矣○圖居方止謂不動時也則如大石之不可移動也案

○方止各本作方正今從新序案外傳作方居

角鹿埤隴種東籠而退耳其義未詳蓋皆摧敗披靡

如禾實垂下然埤丁果反隴種遺失貌如隴之種物

然或曰卽龍鍾也東籠與凍灑同沾溼貌如衣服之

沾溼然新序作隴種而退無鹿埤字○垂下之貌舊

睡讀爲穉故音義皆與之同也又卽龍鍾也舊脫龍
字龍鍾乃當時常語今補又案方言龍涿謂之霑漬
廣韻凍瀧霑漬也故楊云凍瀧沾溼貌且夫暴國之
舊誤作凍隴今改正沾亦霑之誤字也

君將誰與至哉彼其所與至者必其民也而其民之

親我歡若父母其好我芬若椒蘭彼反顧其上則若

灼黥

灼如畏黥

若仇讎人之情雖桀跖豈又肯爲其所惡

賊其所好者哉

○豈又新序作豈有

是猶使人之子孫自賊其

父母也彼必將來告之夫又何可詐也

不可得詐襲也故仁

人用國日明

日益明察

諸侯先順者安後順者危慮敵之

者削反之者亡

謀慮與之爲敵者土地必見侵削反謂不服從也

詩曰武王

載發有虔秉鉞如火烈烈則莫我敢遏此之謂也

詩殷

頌武王湯也發讀爲旆虔敬遏止也湯建旆興師本由仁義雖用武持鉞而猶以敬爲先故得如火之盛無能止之也孝成王臨武君曰善請問王者之兵設何道

何行而可

設謂制置道謂論說教令也行動用也

孫卿子曰凡在大王

將率末事也臣請遂道王者諸侯彊弱存亡之效安

危之執

率與帥同所類反道說也效驗也孝成王見荀卿論兵謂王者以兵爲急故遂問用兵之

術荀卿欲陳王道因不荅其問故言凡在大王之所務將帥乃其末事耳所急教化也遂廣說湯武五霸及戰國諸侯之事君賢者其國治君不能者其國亂隆禮貴

義者其國治簡禮賤義者其國亂治者強亂者弱是

強弱之本也上足卽則下可用也上不足卽則下不

可用也

卽古仰字不仰不足仰也下託上曰仰空向反能教且化長養之是足仰○以注觀之正

文當本是上不印衍是字下可用則強下不可用則弱是強弱之

常也隆禮效功上也重祿貴節次也上功賤節下也

是強弱之凡也

效驗也功戰功也效功謂不使賞僭也重祿重難其祿不使素餐也節忠

義也君能隆禮驗功則強上戰好士者強不好士者

功輕忠義則弱大凡如此也

弱士賢也愛民者強不愛民者弱政令信者強政令不

信者弱

信謂使下可信

民齊者強不齊者弱

齊謂同力

賞重者強

賞輕者弱

重難其賞使必賞有功則強輕易其賞則弱也

刑威者強刑侮者

弱

刑當罪則使人侮民可畏則強不當罪則人侮民可畏則弱也

械用兵革攻完便利者

強

攻當爲功功精好加功者也器械牢固便利於用則強也○攻與工功古多通用攻治也卽依本字

不改亦不可械用兵革窳窳不利者弱窳器病也音庾窳濫惡謂不堅固也

重用兵者強輕用兵者弱

重難用兵者強

權出一者強權出

二者弱

政多門則弱也

是強弱之常也齊人隆技擊

技材力也齊人

以勇力擊斬敵者號爲技擊孟康曰兵家之技巧其技巧者習手足便器械積機關以立攻守之勝

技也得一首者則賜贖鎰金無本賞矣

八兩曰鎰賞謂有功同

受賞也其技擊之術斬得一首則官賜鎰金贖之斬首雖戰敗亦賞不斬首雖勝亦不賞是無本賞也

是事小敵毳則儉可用也

史記聶政謂嚴仲子曰屠

可以旦夕得甘脆以養親也

事大敵堅則渙焉離耳

易說卦曰若

飛鳥然傾側反覆無日

若飛鳥言無馮依也無日言

○注言無馮依也宋本作言

是亾國之兵也兵莫弱

是矣是其去貨市傭而戰之幾矣

此與貨市中傭作

去幾何也○正文其去魏氏之武卒以度取之武卒

宋本作其出今從元刻武卒之率號爲武卒度取之衣三屬之甲如淳曰上

謂取其長短材力中度者謂取其長短材力中度者操十二石之弩

欲反○案考工記釋文屬之樹反操十二石之弩

負服矢五十个置戈其上置戈於身之上謂荷戈也

漢書冠軸帶劍軸與胄同漢書作胄帶劍顏羸三日

之糧日中而趨百里羸負擔也日中中試則復其戶

利其田宅復其戶不徭役也利其田宅不征眾也顏

方目反○注不征是數年而衰而未可奪也改造則

不易周也此中試者筋力數年而衰亦未可遽奪其

是故地雖大其稅必寡是危國之兵也優復既多則

稅寡資用貧

之故秦人其生民也陜阨其使民也酷烈生民所生

國危

謂秦地險固也酷烈嚴刑罰也地險固則寇不能害

嚴刑罰則人皆致死也○陜阨俗本作狹隘今從宋

本劫之以執謂以威執劫隱之以阨謂隱蔽以險阨

氏曰秦地多阨藏忸之以慶賞忸與狃同串習也戰

隱其民於阨中也以慶賞忸則與之賞慶使習

以爲常忸鱣之以刑罰鱣藉也不勝則以刑罰陵藉

女九反鱣之以刑罰之莊子風謂蛇曰鱣我亦勝

我音秋或作躡七六反○案鱣亦音蹀見使天下之

疆國篇注元刻七六作七由非今從宋本

民所以要利於上者非鬪無由也阨而用之得而後

功之守險阨而用之既得勝乃賞其功功賞相長也

五甲首而隸五家有甲首則役隸鄉里之五家也是最

爲眾彊長久多地以正故四世有勝非幸也數也爲

有根本不邀一時之利故能眾強長久也不復其戶
利其田宅故多地也以正言比齊魏之苟且爲正言
奉亦非天幸有術數然也四故齊之技擊不可以遇
世孝公惠王武王昭王也魏氏之武卒魏氏之武卒不可以遇秦之
銳士不可以當桓文之節制桓文之節制不可以敵
湯武之仁義有遇之者若以焦熬投石焉以魏遇秦猶以焦熬
之物投石也熬五刀反〇有遇之者二句似專言天
下無有能敵仁義者注惟云以魏遇秦殆以當時無
湯武并無桓文故也然無妨據理兼是數國者皆干
爲說或云末二句當并從齊說下賞蹈利之兵也傭徒鬻賣之道也未有貴上安制綦
節之理也干求也言秦魏雖足以相勝皆求賞蹈利之兵與傭徒之人鬻賣其力作無異未有
受貴其上爲之致死安於制度自不諸侯有能微妙
踰越極於忠義心不爲非之理者也

之以節則作而兼殆之耳

微妙精盡也節仁義也作起也殆危也諸侯有能精

盡仁義則能起而兼危此數國謂擒滅之○舊本注作則能起而無危也兼此數國誤今据正文刪正

故招近募選隆執詐尚功利是漸之也

近當爲延傳寫誤耳招延

謂引致之也募選謂以財召之而選擇可者此論齊

之技擊也隆執詐謂以威執變詐爲尚此論秦也尚

功利謂有功則利其田宅論魏也漸進也言漸進而

近於法未爲理也或曰漸浸漬也謂其賞罰縱可漸

染於外中心未禮義教化是齊之也服其心是齊故

以詐遇詐猶有巧拙焉

猶齊之技擊不可當魏之武卒也

以詐遇齊

辟之猶以錐刀墮太山也

辟音譬墮毀也許唯反

非天下之愚

人莫敢試故王者之兵不試

一舉而定不必試也

湯武之誅桀

紂也拱揖指麾而彊暴之國莫不趨使

誅其元惡其餘獷悍者皆

臣役也化而來誅桀紂若誅獨夫故泰誓曰獨夫紂此之謂

也故兵大齊則制天下小齊則治鄰敵以禮義教化大齊之謂湯

武也小謂未能大備若五霸者也治鄰敵言鄰敵受其治化耳○宋本故兵大齊提行起今案連上文是

注脫去耳若夫招近募選隆執詐尚功利之兵則勝

不勝無常代翁代張代存代張代存代也相爲雌雄耳矣也

翁代張代存代夫是之謂盜兵君子不由也由用

詐力相勝是故齊之田單楚之莊蹻秦之衛鞅燕之

繆蟻是皆世俗之所謂善用兵者也田單齊襄王臣安平君也史記

莊蹻者楚莊王苗裔楚威王使爲將將兵循江而上

略蜀黔中以西蹻至滇池方三百里地肥饒數千里

以兵威定屬楚欲歸報會秦擊奪楚巴黔中郡道塞

不通因還以其眾至滇變服從其俗焉衛鞅秦孝公

臣封爲商君者也繆蠟未聞也是其巧拙強弱則未有以相君也若

其道一也

雖術不同皆出於變詐故曰其道一也○相君元刻作相若注首有相若相似也五

字今從宋本

未及和齊也

數子之術未能及於和齊人心也

掎契司詐權

謀傾覆未免盜兵也

契讀爲挈挈持也掎挈猶言掎掩也司讀爲伺詐欺誑也皆謂

因其危弱即掩襲之也

齊桓晉文楚莊吳闔閭越句踐是皆和

齊之兵也可謂入其域矣

入禮義教化之域孟康曰入王兵之域也然而

未有本統也

本統謂前行素脩若湯武也

故可以霸而不可以王

是強弱之效也

湯武王而桓文霸齊魏則代存代亡是其效也

孝成王臨武

君曰善請問爲將孫卿子曰知莫大乎棄疑

不用疑謀是智

之行莫大乎無過事莫大乎無悔事至無悔而止矣